

AUGLÝSING

um úthlutunarreglur Lánasjóðs íslenskra námsmanna fyrir námsárið 1992–1993.

Menntamálaráðherra hefur hinn 3. júní 1992 staðfest eftirfarandi úthlutunarreglur Lánasjóðs íslenskra námsmanna fyrir námsárið 1992–1993, sem samþykktar voru á fundi stjórnar sjóðsins 31. maí 1992, sbr. 16. gr. laga nr. 21/1992:

I. KAFLI – LÁNSHÆFT NÁM

1.1 Almenn.

Sjóðurinn veitir námslán til framhaldsnáms við skóla, sem gera sambærilegar kröfur til undirbúningsmenntunar og gerðar eru til háskólanáms hérlendis.

Lánasjóðnum er heimilt að veita öðrum námsmönnum lán enda stundi þeir sérnám.

Lán er að öllu jöfnu ekki veitt til náms eða starfsþjálfunar þegar um launað starf eða annað endurgjald er að ræða meðan á námi stendur, þ.e.a.s. ef umsamin mánaðarlaun samkvæmt náms- eða starfssamningi eru hærrí en grunnframfærsla, sbr. 3.1.1.

1.2 Á Íslandi.

1.2.1. Nám á háskólastigi.

Nám á háskólastigi og það nám annað sem gerir sambærilegar kröfur til undirbúningsmenntunar og nám á háskólastigi. Nám í eftirtöldum skólum á háskólastigi er lánshæft:

Bændaskólanum á Hvanneyri, búvísindadeild.

Háskóla Íslands.

Háskólanum á Akureyri.

Kennaraháskóla Íslands.

Ljósmeðraskóla Íslands.

Samvinnuháskólanum, rekstrarfræðideild.

Tónlistarskólanum í Reykjavík, tónmennta- og tónfræðideild.

Tækniskóla Íslands, tækni- og heilbrigðisdeild.

Tölvuháskóla Verzlunarskóla Íslands.

1.2.2. Sérnám.

Nám í eftirtöldum sérskólum er lánshæft. Nám í fjölbrautarskólum og öðrum skólum, sem er að meginstofni liður í undirbúningi til stúdentsprófs eða sambærilegs prófs er að jafnaði ekki lánshæft skv. þessari grein.

ATS skóla flugmálastjórnar.

Fiskvinnsluskólanum. Fisktækninám.

Fósturskóla Íslands.

Iðnskólum, réttindanáms 3 ár.

Íþróttakennaraskóla Íslands.

Leiklistarskóla Íslands.

Myndlista- og handíðaskóla Íslands að undanskildu fornámi.

Myndlistaskólanum á Akureyri að undanskildu fornámi.

Stýrimannaskólum.

Tannsmíðaskóla Íslands.

Tónlistarskólum, kennaradeildir og tónlistarnám á 7. stigi og ofar skv. námsskrá menntamálaráðuneytis.

Tækniskóla Íslands, iðnfræði og útgerðatækni 1.5 ár, iðnrekstrarfræði 2 ár.

Vélskólum.

Proskapjálfskóla Íslands.

1.2.3. *Annað sérnám.*

Heimilt er að veita lán til annars sérnáms, enda hafi námsmaður náð 20 ára aldri á því almanaksári sem lán er veitt og námið að meginstofni ekki liður í undirbúningi undir stúdentspróf eða sambærilegt próf. Nám í eftirtöldum skólum er lánshæft samkvæmt þessari reglu:

Bændaskólum, bændadeildir.

Fiskvinnsluskólum, fiskiðnnám.

Garðyrkjuskóla ríkisins.

Hótel- og veitingaskóla Íslands.

Kirkjubæjarskóla, fiskeldi.

Lyfjatæknaskóla Íslands.

Meistaraskóla iðnaðarins.

Skrifstofu-og ritaraskólanum 2. ár.

1.2.4. *Réttindi erlendra námsmanna.*

Námsmenn frá Norðurlöndum, sem heimilisfastir eru á Íslandi og stunda lánshæft nám hérlendis, njóta námsaðstoðar til jafns við íslenska námsmenn enda hljóti þeir ekki námsaðstoð frá heimalandi sínu sbr. samkomulag milli Norðurlanda um þessi efni eins og það er á hverjum tíma. Heimilt er að láta þetta ákvæði taka til einstakra annarra erlendra ríkisborgara njóti íslenskir námsmenn sambærilegra réttinda í heimalandi þeirra.

1.3 **Í útlöndum.**

1.3.1. *Háskólanám.*

Lánað er til framhaldsnáms við stofnanir erlendis, sem gera sambærilegar kröfur til nemenda og gerðar eru í háskólanámi hérlendis, sjá þó ákvæði gr. 4.6 og 4.8. um lán vegna skólagjalda.

1.3.2. *Sérnám.*

Heimilt er að veita lán til sérnáms erlendis enda hafi námsmaður náð 20 ára aldri á því almanaksári, sem lánið er veitt. Lánshæfni er ennfremur háð því að um sé að ræða a.m.k. tveggja ára skipulegt nám sem alls ekki verði stundað á Íslandi og jafnframt nægilega veigamikil nám að því er varðar eðli þess, uppbyggingu og starfsréttindi.

1.3.3. *Málanám sem undirbúningsnám.*

Sjóðurinn lánar að jafnaði í eitt misseri til málanáms ef það er undirbúningur undir nám erlendis sem fer fram á öðrum tungumálum en ensku og norðurlandamálum öðrum en finnsku. Ekki er lánað fyrir skólagjöldum.

II. KAFLI – NÁMSFRAMVINDA.

2.1. **Námstími.**

2.1.1. Sjóðurinn veitir aðstoð fyrir þann tíma ársins sem eiginlegt skólalagd eða skyldunám-skeið standa yfir. Að jafnaði er aðstoð ekki veitt lengur en í níu mánuði á almannaksári, sbr.

2.1.2.

2.1.2. Ef námi lýkur á almanaksárinu 1993 veitir sjóðurinn aðstoð, þar sem haldið er uppi skipulögðu og fullu námi yfir sumartímann. Eftirfarandi aðrar reglur gilda um veitingu sumarlána 1993, enda hafi menn ekki fullnýtt svigrúm sitt áður til aðstoðar sjóðsins:

1. Þeir námsmenn, sem ljúka námi á sumrinu í byrjun haustmisseris eiga rétt á að fá afgreitt sumarlán eftir að þeir hafa skilað lokaprófskírteini til sjóðsins
2. Áformi námsmaður að ljúka námi sínu á almanaksárinu 1993 og stunda nám að sumrinu í því skyni er heimilt að veita honum sumarlán, enda greiðast honum þá sumar- og haustlán, þegar vottorð um lokapróf liggur fyrir. Ljúki viðkomandi ekki námi á almanaksárinu fellur niður réttur hans til sumarláns.
3. Námsmaður sem lýkur námi á sumarönn sem nemur 75% árangri á venjulegri önn getur fengið lán vegna sumarannar 1993, sem greiðist eftir að árangur á sumarönn liggur fyrir.
4. Sama gildir um þá sem þurfa að sækja skyldunámskeið að sumrinu enda leggi þeir fram gögn um að þeir hafi tekið þátt í slíku námskeiði áður en lánið er greitt til þeirra.
5. Geri skóli kröfu um að doktorsnemar stundi nám yfir sumartímann er heimilt að veita lán til þess.
6. Stundi námsmenn launað starfsnám á sumrinu er ekki heimilt að veita þeim lán.
7. Aðstoð á sumarönn reiknast sem eitt misseri í heildarsvigrúmi námsmanns.

2.2. Framvinda náms.

Námsframvinda er metin í aðstoðarmisserum eða aðstoðarárum. Skal námsmaður að jafnaði ljúka 100% af fullu námi skv. skipulagi skóla. Námsmaður verður að fullnægja kröfum um afköst og lágmarkseinkunnir. Tekið er tillit til skipulags náms og nánari reglur settar um framvindu á einstökum námsbrautum. Einungis er tekið tillit til námskeiða sem nýtast til lokaprófs. Taki námsmaður lán út á misseri eða hluta þess þarf hann að uppfylla kröfur um námsafköst á því misseri.

2.3. Ófullnægjandi námsframvinda.

2.3.1. Námsfærlit er framkvæmt eftir hvert misseri. Uppfylli námsmaður ekki kröfur um námsframvindu skv. gr. 2.2., skulu námslán til hans skerðast hlutfallslega, sbr. 2.3.2. Lán til námsmanns sem til dæmis lýkur 75% af fullu námi skv. skipulagi skóla skal þannig skerðast um 25%.

2.3.2. Námsmaður þarf að ljúka í það minnsta 75% af fullu námi skv. skipulagi skóla til þess að hljóta námslán.

2.4. Aukið svigrúm í námi.

2.4.1. Námsmaður sem lýkur yfir 100% af fullu námi skv. skipulagi skóla á þar með rétt á auknu svigrúmi í námi síðar á námsferli sínum. Ljúki hann t.d. 110% af fullu námi á einu misseri nægir honum 90% árangur á síðara misseri til þess að eiga rétt á óskertu námsláni.

2.4.2. Heimilt er að víkja frá reglu 2.3.2. um að námsframvinda á hverju misseri skuli að lágmarki vera 75% af fullu námi, ef um nema á fyrsta ári er að ræða, námsmaður verður veikur eða eignast barn. Heildarsvigrúm til að ljúka hverjum námsferli skal þó að jafnaði ekki aukið í þessum tilfellum.

2.5. Námslengd.

2.5.1. Námsmaður telst hafa fengið lán í eitt aðstoðarár hafi hann fengið lán fyrir venjulegt skólaár, sbr. gr. 2.1.1., enda þótt lán hafi skerst vegna reglna um viðmiðun við námsárangur. Venjulegt skólaár er að jafnaði tvö misseri.

2.5.2. Að uppfylltum skilyrðum um námsframvindu getur námsmaður fengið lán í allt að 5 ár samanlagt til að stunda grunnháskólanám, sérnám og stutt starfstengt viðbótarháskólanám,

sem ekki lýkur með æðri prófgráðu, t.d. uppeldis- og kennslufræði, félagsráðgjöf og námsráðgjöf.

2.5.3. Leggi námsmaður stund á framhaldsnám að loknu háskólaprófi er heimilt að veita honum lán í allt að 5 ár til viðbótar þeim árum sem hann hefur fengið áður frá sjóðnum. Með framhaldsnámi er átt við meistara- doktors- eða licentiatnám eða sambærilegt nám. Auk þess er átt við háskólanám eftir 4 ár, skv. skipulagi skóla, t.d. lögfræði, guðfræði, lyfjafræði og læknisfræði.

2.6 Námslok.

Námslok teljast þegar námsmaður hættir að sækja um lán, nema sýnt sé fram á annað. Umsóknarfrestur síðustu gildu umsóknar ákvarðar þannig námslok sbr. grein 6.1.2. Sjóðsstjórn ákveður námslok í vafatilfellum.

III. KAFLI – FRAMFÆRSLA, LEYFI OG TEKJUR.

3.1. Grunnframfærsla.

3.1.1. Öll aðstoð til framfærslu á námstíma frá 1. júní 1992 - 31. maí 1993 miðast við grunnframfærslu á Íslandi, sem skilgreind er af sjóðnum. Sú fjárhæð er 1. júní 1992 kr. 49.039. Fjárhæðinni er breytt mánaðarlega með hliðsjón af breytingum á framfærsluvísitölu Hagstofu Íslands.

3.1.2. Grunnframfærsla í útlöndum, sem getur verið mismunandi eftir löndum og borgum, er ákveðið hlutfall af grunnframfærslu á Íslandi. Hlutfallið er endurskoðað með hliðsjón af þróun verðlags og gengis.

3.2. Framfærsla námsmanns.

Auk búsetu hafa þær aðstæður sem tilgreindar eru undir greinum 4.1. - 4.5. áhrif á framfærslu námsmanns. Framfærsla námsmanns hækkar vegna barna sem eru 18 ára eða yngri og á framfæri hans. Til viðbótar venjulegri framfærslu hækkar framfærsla námsmanna í leyfi um 15% af framfærslu einstaklings og framfærsla einstæðs foreldris um 20%.

3.3. Leyfi.

3.3.1. Að öllu jöfnu telst námsmaður sem fékk aðstoð á síðasta skólaári í leyfi þann tíma á árinu 1992 sem hann fær ekki framfærsluaðstoð.

3.3.2. Námsmaður sem verið hefur í fullri vinnu lengur en 6 mánuði á árinu telst í leyfi þrjá síðustu mánuðina áður en lánshæft nám hefst. Heimilt er að leggja þriggja mánaða jafnaðartekjur, að frádregnum sköttum, til grundvallar við útreikning á lánsupphæð, ef námsmaður staðfestir lengd tekjuöflunartímabils á árinu.

3.4. Tekjur samkvæmt reglum þessum.

3.4.1. Tekjur námsmanns og maka á árinu 1992 eins og þær eru skilgreindar af stjórn sjóðsins, geta haft áhrif á veitta aðstoð á námstíma. Gert er ráð fyrir að námsmaður afli tekna til framfærslu í leyfi eða þann tíma sem hann stundar ekki nám á aðstoðarárinu.

3.4.2. Áður en til þess kemur að veita lán vegna náms á haustmíssi skal námsmaður gera grein fyrir áætluðum tekjum á árinu 1992.

3.4.3. Endanlegt tekjutillit á sér stað 1. júní 1993 og er þá lánsfjárhæð leiðrétt með tilliti til mögulegs fráviks á raunverulegum og áætluðum tekjum. Við tekjutillitið er fráviksfjárhæðin fyrst uppfærð um 5% og síðan til samræmis við breytingar á framfærsluvísitölu frá 1. febrúar 1993 til 1. júní 1993.

3.4.4. Sjóðsstjórn getur breytt ófullnægjandi tekjuáætlun.

3.5. Hvað telst til tekna samkvæmt úthlutunarreglum?

3.5.1. Laun og endurgjöld fyrir hvers konar störf og þjónustu á árinu 1992 svo og aðrar skattskyldar tekjur.

3.5.2. Eftirtaldar bætur fengnar árið 1992:

- mæðra og feðralaun;
- barnabætur og barnabótaauki;
- atvinnuleysisbætur;
- tekjutrygging;
- sjúkra- og slysadagpeningar;
- fæðingarstyrkur.

3.5.3. Arður, aðrar skattskyldar eignatekjur, náms- og rannsóknarstyrkir og kennslulaun, t.d. „teaching assistantship“ og „utbildningsbidrag“.

3.5.4. Til frádráttar koma staðgreiddir skattar á árinu 1992; skólagjöld umfram þá upphæð sem námsmaður fær lánað fyrir að frádregnum kr. 15.000; meðlagsgreiðslur og rannsóknar- og skólakostnaður, sem námsmaður greiðir með andvirði styrkja (sbr. gr. 3.5.3.).

3.6. Hvað telst ekki til tekna?

- húsaleigustyrkur frá hinu opinbera;
- örorkulífeyrir og örorkubætur;
- lyfjaaðstoð;
- dánarbætur;
- barnalífeyrir;
- meðlag.

3.7. Upplýsingaskylda námsmanns og maka vegna tekna.

Með undirritun umsóknar veita námsmaður og maki sjóðnum heimild til að kanna skattframtöl þeirra á þeim tíma sem lán eru veitt eða endurgreiðsla lána stendur yfir. Tekjuupplýsingar skulu gefnar upp skv. beiðni sjóðsins. Eftir áramót skal senda sjóðnum endanlegar upplýsingar með afriti af skattframtali 1993.

IV. KAFLI – LÁNAFLOKKAR.**4.1. Lán til námsmanna sem búa í leiguhúsnæði.**

Framfærsla einhleyps námsmanns er grunnframfærsla. Lánað er fyrir framfærslu á námstíma en 50% tekna umfram framfærslu í leyfi koma til frádráttar.

Einhleypur námsmaður sem býr í leiguhúsnæði, barnlaus hjón eða sambýlisfólk, sanni eðlilegar leigugreiðslur með því að leggja fram afrit greiðsluseðils til skattyfirvalda.

4.2. Lán til einstaklings í foreldrahúsum.

Framfærsla námsmanns sem býr hjá foreldrum er 70% af grunnframfærslu. Lánað er fyrir framfærslu á námstíma en 50% tekna umfram framfærslu í leyfi koma til frádráttar.

4.3. Lán til einstæðs foreldris.

Framfærsla er grunnframfærsla sem hækkar um 40% fyrir fyrsta barn og 35% vegna hvers barns umfram það. Lánað er fyrir framfærslu á námstíma en 50% tekna umfram framfærslu í leyfi koma til frádráttar.

4.4. Lán til námsmanns í hjónabandi (sambúð).

Framfærsla námsmanns í hjónabandi eða sambúð er grunnframfærsla sem hækkar um 20% fyrir hvert barn. Lánað er fyrir framfærslu á námstíma en 50% tekna umfram framfærslu

í leyfi koma til frádráttar. Til frádráttar á láni námsmanns koma 50% af tekjum maka umfram framfærslu. Framfærsla maka reiknast á sama hátt og námsmanns. Lán vegna maka er aðeins veitt í vissum undantekningartilvikum. (Sjá gr. 4.5.).

Séu hjón í lánshæfu námi ákvarðast lán til hvors um sig sérstaklega, enda reiknist báðum framfærslulán. Hafi þau barn á framfæri geta þau farið fram á að samanlagðar tekjur þeirra skiptist jafnt á milli þeirra við ákvörðun námsláns.

Óvígð sambúð er lögð að jöfnu við hjúskap.

4.5. Lán vegna maka.

Eftirfarandi aðstæður geta leitt til þess að framfærsla námsmanns (skv. gr. 4.4.) á misseri hækkar um 50% vegna maka:

- Veikindi eða örorka skv. læknisvottorði.
- Atvinnuleysi skv. vottorði viðeigandi yfirvalda vegna þess að atvinnuleyfi fæst ekki.
- Námsmaður og maki hafa 2 börn eða fleiri á framfæri sínu og maki kys að vinna heimilisstörf að mestu eða öllu leyti.
- Námsmaður og maki hafa barn á forskólaaldrí á framfæri sínu og fyrir liggja gögn um að dagvistun fái ekki eða barnið hafi sérstaklega þörf fyrir umönnun foreldris.

50% tekna námsmanns og maka umfram framfærslu námsmanns í leyfi koma til frádráttar á láni til námsmanns.

4.6. Lán á markaðskjörum vegna skólagjalda.

Stjórn LÍN er heimilt að veita námslán til allt að 10 ára með venjulegum meðalvöxtum banka. Lánið endurgreiðist með jöfnum afborgunum óháð öðrum námslánunum, enda sé endurgreiðsla þeirra lána sérstaklega tryggð. Endurgreiðsla hefjist tveimur árum eftir námslok. Lán þessi er heimilt að veita vegna skólagjalda í grunnháskólanámi og sérnámi erlendis sem ekki verður stundað á Íslandi.

4.7. Lán vegna bóka-, tækja- og efniskaupa.

Heimilt er að veita mönnum lán vegna bókakaupa. Lán þessi skulu að jafnaði nema 30% af grunnframfærslu í einn mánuð á hverju skólaári.

4.8. Almenn lán vegna skólagjalda.

Lán vegna skólagjalda erlendis umfram fenginn styrk eru aðeins veitt til framhaldsháskólanáms. Ef árleg skólagjöld við viðurkennda skóla á Íslandi eru hærri en kr. 15.000 er veitt lán fyrir umframfjárhæðinni. Samanlögð lán til námsmanns vegna skólagjalda skulu aldrei verða hærri en 27.000 USD eða jafngildi í annarri mynt. Þeir sem fyrir útgáfu úthlutunarreglna 1991 fengu hærri skólagjaldalán, munu fá skólagjaldalán afgreidd eftir fyrri reglu til að ljúka núverandi námi.

4.9. Lán vegna röskunar á stöðu og högum námsmanna.

4.9.1. Nú verður ófyrirsjáanleg röskun á stöðu og högum námsmanns og reglur þessar ná ekki til hennar að öðru leyti, t.d. verður námsmanni vegna örorku sinnar, framfærslu barna sinna eða maka eða af öðrum ástæðum illmögulegt að stunda nám sitt þannig að lánaheimild sé fullnýtt. Má þá veita honum aukalán úr sjóðnum enda verði höfð hliðsjón af þeim bótum sem hann fær samkvæmt gildandi tryggingarlöggjöf.

Heimilt er skv. þessari grein að veita námsmanni sérstakt lán vegna aukaferðar ef hann þarf skyndilega að fara heim vegna alvarlegra veikinda eða andláts í nánustu fjölskyldu. Nauðsynlegt er að leggja fram nákvæmar upplýsingar um ástæður ferðar ásamt viðeigandi læknisvottorði eða dánarvottorði.

4.9.2. Hámarkslán á misseri skv. þessari grein er mánaðarframfærsla námsmanns.

4.10. Lán vegna sjúkratrygginga og sjúkrakostnaðar.

Námsmenn sem greiða háar sjúkratryggingar geta sótt um að þeim kostnaði sé mætt. Við mat á hæfilegum kostnaði vegna sjúkratrygginga er höfð hliðsjón af upplýsingum frá íslensku tryggingarfélagunum. Heimilt er að veita lán til greiðslu hæfilegs kostnaðar vegna mæðra-skoðunar og ungbarnaeftirlits erlendis ef ljóst er að hvorki tryggingaraðili námsmannsins né viðkomandi sveitarfélag á Íslandi taka þátt í greiðslu kostnaðar. Einnig er heimilt á námstíma að veita lán til greiðslu ferðakostnaðar ef barnshafandi námsmaður eða maki námsmanns erlendis kýs, vegna óhóflegs kostnaðar erlendis, að fæða barn á Íslandi.

4.11 Lán vegna vaxtakostnaðar.

Fyrir útborgun námslána, sem greiðast eftir hverja önn, misseri eða skólaár, skal reikna hlutfallslegt álag. Það skal miðað við að tekið sé fullt tillit til vaxtakostnaðar vegna munar á fyrrgreindum útborgunartíma og þeim sem gildi á skólaárinu 1991-92. Þetta hlutfallslega álag bætist við útreiknuð námslán viðkomandi námsmanns.

4.12. Lán vegna ferðakostnaðar.

Námsmanni er heimilt að sækja um lán til þess að greiða hluta eigin ferðakostnaðar, maka og barna. Um veitingu þessara lána gilda sömu reglur og önnur námslán og er umsóknarfrestur sá sami. Lánin miðast við ákveðna upphæð á hverri önn, sem er mismunandi eftir námslandi og námssvæði. Þau greiðast þegar viðkomandi námsmaður fær greidd framfærslulán, eftir að hann hefur skilað farseðli eða öðrum sönnunargögnum um að ferð hafi verið farin.

V. KAFLI – UMSÓKNIR, ÚTBORGUN LÁNA OG FL.

5.1. Umsóknir um námslán.

5.1.1. *Umsóknareyðublöð.* Sótt er um námslán á sérstökum eyðublöðum sem sjóðurinn lætur í té. Umsóknareyðublöðin fást einnig alla jafnan í skólum og sendiráðum Íslands erlendis.

5.1.2. *Umsóknir og gildistími.* Hver umsókn gildir til loka skólaárs. Umsókn verður að hafa borist fyrir:

1. ágúst vegna aðstoðar á haustmisseri;
1. desember vegna aðstoðar á vormisseri;
1. mars ef nám hefst eftir 1. apríl;
15. maí 1993 vegna sumarlána.

Óheimilt er að taka til greina umsókn, sem berst eftir lok umsóknarfrests. Hafi námsmaður ekki átt gilda umsókn hjá sjóðnum á vormisseri 1993 er umsóknarfrestur um sumarlán í því tilviki 1. mars.

5.1.3. *Fylgiskjöl og skilafrestur.* Tilkynna ber námsmanni tímanlega um gögn, sem honum ber að skila, þannig að honum gefist nægur tími til að senda þau til sjóðsins. Fylgiskjöl vegna umsóknar eiga að berast sjóðnum eigi síðar en tveimur mánuðum eftir að þeirra var óskað. Að öðrum kosti er litið svo á að námsmaður sé fallinn frá umsókn.

5.1.4. *Náms- og lánsfjáráætlun.* Á grundvelli upplýsinga námsmanns m.a. um tekjur og fjölskylduhagi getur hann fengið útfyllta náms- og lánsfjáráætlun frá sjóðnum. Hún gefur kost á tímabundinni fyrirgreiðslu hjá viðskiptabanka sbr. reglu 6.2.1.

5.2. Útborgun námslána.

5.2.1. Lán greiðast eftir hverja önn, misseri eða skólaár, þegar námsmaður hefur lagt fram gögn um námsárangur sinn, lokatekjuáætlun og aðrar upplýsingar sem máli skipta. Lán greiðast inn á reikning í viðskiptabanka eða sparisjóði sem skal vera á nafni námsmanns. Skal við það miðað að greiðsludagar séu sem næst 15. janúar og 15. júní. Heimilt er að greiða út lán

á öðrum tímum enda liggi fyrir að námsmaður hafi uppfyllt kröfur sjóðsins um afköst og árangur í námi áður en sjóðurinn innir af hendi greiðslu láns vegna viðkomandi annar, misseris eða skyldunámskeiða.

5.2.2. Námsmenn skulu skila lokatekjuáætlun vegna tekna á árinu 1992 áður en lán er greitt út. Ef verulegur munur reynist vera á þeirri áætlun og tekjum námsmanns og maka er heimilt að gjaldfella lánið.

5.2.3. Stjórn sjóðsins hefur gert samkomulag við viðskiptabanka og sparisjóði um að þeir veiti námsmönnum tímabundna fyrirgreiðslu innan misseris eða skólaárs, ef þess er óskað, að uppfylltum venjulegum skilyrðum viðkomandi peningastofnunar og að fenginni náms- og lánsfjáráætlun viðkomandi námsmanns.

5.3. Umboðsmaður, ábyrgðarmaður og skilyrði sem námsmenn þurfa að uppfylla.

5.3.1. *Umboðsmaður.* Námsmaður erlendis verður að hafa umboðsmann á Íslandi sem m.a. skrifar undir skuldabréf fyrir hans hönd.

5.3.2. *Ábyrgðarmaður.* Einn ábyrgðarmaður sem er fjárráða íslenskur ríkisborgari með lögheimili á Íslandi þarf að undirrita skuldabréf fyrir námsmann. Ábyrgðarmenn þurfa að fullnægja sömu skilyrðum og lánþegar sjóðsins, sbr. 5.3.3.

5.3.3. Skilyrði, sem lánþegar LÍN þurfa m.a. að uppfylla, eru að þeir séu ekki í vanskilum við sjóðinn, þegar sótt er um nýtt lán og bú þeirra sé ekki til gjaldþrotameðferðar eða að þeir teljist af bersýnilegum ástæðum ótryggir lántakendur.

5.4. Greiðsla félagsgjalda.

Óski námsmaður þess annast LÍN greiðslu félagsgjalda til SÍNE og BÍSN. Sjóðurinn dregur félagsgjöldin af námslánum og greiðir til réttra aðila.

5.5. Breytingar á aðstoð.

5.5.1. *Tilkynningaskylda námsmanna.* Umsækjanda ber að tilkynna allar breytingar á högum sínum er haft geta áhrif á veitingu námsaðstoðar, svo sem breyttar fjölskylduádstæður, breytingar á fjárhag, heimilisfangi og námsáætlun, eða veikindi er valdið geta töfum í námi. M.a. ber að tilkynna sjóðnum þegar námsmaður stofnar til hjúskapar eða sambúðar. Námsmanni ber auk þess að senda sjóðnum öll þau gögn sem hann kann að verða beðinn um.

5.5.2. *Leiðrétting á útreikningi.* Ef í ljós kemur að sjóðurinn hefur veitt námsaðstoð eða reiknað út upphæð láns á röngum forsendum er það leiðrétt við fyrsta hentugleika, skv. nánari ákvæðum í þessum kafla. Er þá tekið tillit til þess hvort námsmaður hefur vísitandi gefið villandi eða rangar upplýsingar eða hvort um vanrækslu hefur verið að ræða af hans hálfu ellegar um mistök frá hendi sjóðsins. Að jafnaði er mögulegt að semja um fyrirkomulag endurgreiðslna.

5.6. Vísitandi villandi upplýsingar.

Ef námsmaður hefur vísitandi veitt sjóðnum rangar eða villandi upplýsingar fellur öll námsaðstoð við hann niður og aðstoð sem hann kann að hafa fengið vegna slíkra upplýsinga verður þegar í stað endurkræf með áfallinni verðtryggingu og kostnaði sem af hlýst.

5.7. Breyttar tekjur frá upphaflegri áætlun.

Ef upphafleg tekjuáætlun að hausti reynist of lág kemur leiðrétting sjálfkrafa fram í því að vorlán veður lægra en áætlað var. Auk þess áskilur sjóðurinn sér rétt til að beita ákvæðum greinar 5.6. ef tekjur að hausti hafa verið stórlega vanáætlaðar. Hafi námsmaður þannig fengið herra lán vegna haustmisseris en honum ber í heildarlán fyrir skólaárið, skal hann endurgreiða mismuninn með verðtryggingu og kostnaði.

5.8. Eftirlit með tekjum vegna síðasta láns.

5.8.1. *Námsmenn á Íslandi.* Sjóðurinn fær upplýsingar frá ríkisskattstjóra um tekjur skv. skattframtali þess tekjuárs sem lagt var til grundvallar síðustu lánveitingu.

5.8.2. *Námsmenn á Norðurlöndum.* Námsmenn annars staðar á Norðurlöndum þurfa að skila vottorði um tekjur s.l. árs. Í Danmörku „ársopgörelse“, í Noregi „bruttoinntekt“ og í Svíþjóð „terminalbild 44“.

5.8.3. *Námsmenn í öðrum löndum.* Sjóðurinn getur krafist skattavottorðs frá námsmönnum í öðrum löndum.

5.8.4. *Endurgreiðsla.* Komi í ljós að tekjur skv. vottorði skattstjóra eru hærri en gefið var upp af námsmanni, ber honum að endurgreiða of hátt veitt lán með verðtryggingu.

5.9. Mistök sjóðsins.

Verði mistök við veitingu námsláns, námsmanni í óhag, ber að leiðrétta það strax og upp kemst. Námsmönnum er eindregið bent á að kynna sér vandlega þau ákvæði í þessum úthlutunarreglum sem eiga við hverju sinni og stuðla að því að slík mistök leiðrétist sem fyrst. Ef veruleg mistök verða námsmanni í hæg, er honum tilkynnt það og síðan ákveðið í hverju einstöku tilviki hvernig endurgreiðslu skuli hagað.

VI. KAFLI – SAMNORRÆNAR REGLUR UM LÁN Á NORÐURLÖNDUM.

Umsækjandi við nám á Norðurlöndum utan heimalandsins getur að uppfylltum sérstökum skilyrðum fengið námslán frá námslandinu. Skilyrði fyrir námsaðstoð er að umsækjandi fái ekki námsaðstoð frá öðru landi. Hér á eftir fara tvö dæmi um þetta:

A. Umsækjandi hefur verið búsettur og unnið samfellt tvö ár í námslandinu. Umsjón með eigin barni undir 16 ára aldri jafngildir vinnu. Tekið er tillit til vinnuhlés ef um herskyldu eða veikindi hefur verið að ræða.

B. Umsækjandi er undir 20 ára aldri og hefur fylgt foreldrum sínum sem eru heimilisföst í námslandinu og hafa þar fasta vinnu.

Nánari upplýsingar fást hjá lánasjóðum í hverju landi.

DANMÖRK

Styrelsen for Statens Uddannelsesstøtte
Danasvej 30
DK-1910 Fredriksberg C
Sími: 90-45-31214666

NOREGUR

Statens lånekasse for utdanning
P. boks 195
Økernveien 145
N-0510 Oslo 5
Sími: 90-47-2-726700

FINNLAND

Statens studiestødcentral
Valtion Opintotutkikeskus
P.O. Box 228
SF-40 101 Jyvaskyla 10
Sími: 90-358-41-698611

SVÍÞJÓÐ

Centrala studiestödsnämnden
S-851 82 Sundsvall
Sími: 90-46-60-186000

VII. KAFLI – LÁNSKJÖR.**7.1. Vextir og verðtrygging.**

Lánin eru verðtrygð og bera allt að 3% vexti frá námslokum. Verðtryggingin miðast við breytingar á lánskjaravísitölu Seðlabanka Íslands.

7.2. Endurgreiðslutími.

Endurgreiðsla hefst tveimur árum eftir námslok sbr. gr. 2.6.

7.3. Árleg endurgreiðsla.

Árleg endurgreiðsla er í tvennu lagi. Annars vegar er föst greiðsla sem innheimtist 1. mars og hins vegar viðbótargreiðsla sem innheimtist 1. sept. og er háð tekjum fyrra árs. Föst ársgreiðsla er 48.000 kr. og miðast við lánskjaravísitölu 3.198. Þessi upphæð breytist á hverju ári til samræmis við lánskjaravísitölu 1. janúar hvers árs. Viðbótargreiðslan miðast við ákveðinn hundradshluta af útsvarstofni næsta árs á undan endurgreiðsluári. Hundradshluti þessi er 5% við afborganir af láninu fyrstu fimm árin. Eftir það skal hundradshlutinn vera 7% Sú fjárhæð sem þannig fæst skal margfölduð skv. hlutfallslegri breytingu á lánskjaravísitölu frá 1. júlí á tekjuöflunarári til 1. júlí á endurgreiðsluári. Frá viðbótargreiðslunni samkvæmt framansögðu dregst ádurnefnd föst ársgreiðsla.

Lánþega ber að greiða lántökugjald 1.2% í hvert sinn sem lán er tekið og kostnað af innheimtu á hverjum gjalddaga.

7.4. Undanþágur.

Stjórn Lánasjóðs er heimilt að veita undanþágu frá árlegri endurgreiðslu verði skyndilegar breytingar á högum lánþega, t.d. vegna veikinda eða slyss, sem skerða ráðstöfunarfé hans og möguleika til að afla tekna. Stjórn er ennfremur heimilt að veita undanþágu frá fastri ársgreiðslu ef nám, atvinnuleysi, veikindi, þungun, umönnun barna eða aðrar sambærilegar ástæður valda verulegum fjárhagsörðugleikum hjá lánþega eða fjölskyldu hans. Ef sótt er um undanþágu þarf að gera nákvæma grein fyrir aðstæðum.

7.5. Lán sem sjóðurinn hefur veitt.

Lán sem sjóðurinn hefur veitt eru:

Heiti	Veitt	Vextir	Endurgr. hefst námslok	Endurgr.- tími	Gjalddagar
M	1952-61	3.5%	3 ár	10 ár	1. maí og 1. nóv.
N	1952-61	3.5%	3 ár	10 ár	1. feb. og 1. júní
M	1961-67	3.5%	3 ár	15 ár	1. maí og 1. nóv.
N	1961-67	3.5%	3 ár	15 ár	1. feb. og 1. júní
L	1967-75	5%	5 ár	15 ár	1. júní
K	1975	13%	1 ár	4 ár	1. apr. og 1. nóv.
X*	1976-82	verðtryggt	3 ár	20 ár	1. júlí og 1. nóv.
T**	1982	verðtryggt	3 ár	40 ár	1. mars og 1. sept.
R	1992	allt að 3% + verðtr.	2 ár	óákv.	1. mars og 1. sept.

* nefnast V-lán eftir sameiningu.

** nefnast S-lán þegar endurgreiðsla hefst.

Sé greitt eftir fleiri kerfum.

Þeir námsmenn, sem taka lán skv. lögum nr. 21 frá 1992 (R- lán) greiða fyrst afborganir og vexti af þeim lánnum, en skuldi þeir eldri lán frestast afborganir þeirra þar til fyrrnefnd R-lán eru að fullu greidd. Eldri lán greiðast síðan eftir reglum sem áður giltu. Hlutfallsstuðull fyrir aukaafborgun T- láns hjá þeim sem hafa fengið meira en helming raunvirðis námslána sinna árin 1976-85 er 3.5% í stað 3.75%. Ef lánþegi greiðir bæði af lánnum sem tekin voru á árunum 1976-82 og af lánnum sem tekin voru 1982-92, þá dragast afborganir eldri lána frá afborgunum hinna nýju. Enginn afsláttur er veittur af afborgunum lána, sem tekin voru 1982-92, þótt einnig sé verið að greiða af L-lánnum.

Vanskil.

Ef lánþegi greiðir ekki afborgun á réttum tíma og hefur ekki samið við sjóðinn um greiðslu, sendir sjóðurinn hana til lögfræðings í innheimtu. Ef lánþegi gerir enn ekki skil, er sjóðnum heimilt að gjaldfella alla skuldina og innheimta hana með hæstu leyfilegu dráttarvöxtum.

Menntamálaráðuneytið, 3. júní 1992.

F. h. r.

Árni Gunnarsson.

Þorsteinn Gunnarsson.

10. júní 1992

Nr. 213

REGLUGERÐ

um sérstaka fyrirframgreiðslu opinberra fjárfestingarlánasjóða á árinu 1992.

1. gr.

Á árinu 1992 skulu opinberir fjárfestingarlánasjóðir, sem skattskyldir eru samkvæmt lögum nr. 48/1992, um breyting á lögum nr. 65/1982, um skattskyldu innlánsstofnana, með síðari breytingum, greiða sérstaka fyrirframgreiðslu þinggjalda vegna væntanlegrar álagningar skatta á árinu 1993.

Fyrirframgreiðsla samkvæmt 1. mgr. kemur í stað fyrirframgreiðslu samkvæmt 110. gr. laga nr. 75/1981, um tekjuskatt og eignarskatt, með síðari breytingum.

2. gr.

Fyrir 1. júlí 1992, skulu skattskyldir aðilar, sbr. 1. gr., skila ótilkvaddir ársreikningi vegna rekstrarársins 1991, til skattstjórans í viðkomandi umdæmi. Með ársreikningnum skal fylgja greinargerð um hagnað ársins 1991, sem skal vera í samræmi við ársreikninginn og ákvarðaður í samræmi við góða reikningsskilavenju.

Í greinargerðinni skal koma fram eftirfarandi:

1. Nafn skattaðila
2. Kennitala skattaðila
3. Heimilsfang skattaðila
4. Upplýsingar um hagnað ársins 1991, sbr. 1. mgr.
5. Áritun löggilts endurskoðanda um að hagnaðurinn sé ákvarðaður í samræmi við góða reikningsskilavenju.

3. gr.

Fyrirframgreiðslan skal nema 20 % af hagnaði ársins 1991.

Skattstjóri skal ákveða fyrirframgreiðslu og skal gjaldanda tilkynnt um hana og greiðslumáta hennar.

4. gr.

Fyrirframgreiðsla samkvæmt 3. gr. skal innt af hendi á tímabilunum ágúst til desember 1992, með fimm jöfnum greiðslum. Gjaldþagi fyrirframgreiðslunnar er 15. dagur hvers mánaðar og eindagi er 10 dögum síðar.

Fyrirframgreiðslan skal ganga upp í álagningu á árinu 1993 vegna tekna ársins 1992.